

2022-mi akileraarutitigut ilanngaattissat il.il. imatut annertussusilerneqarnissaannik Inatsisartut aalajangiiffigisassaattut siunnersuut:

1. Inummut ilanngaat	kr. 48.000 (ukiumut)
2. Ilangaat aalajangersimasoq	kr. 10.000 (ukiumut)
3. Aningaasarsiat B-t akileraaruteqaataasussaannngitsut	kr. 5.000 (ukiumut)
4. Killilimmik akileraartussaataasunut ilanngaat	kr. 1.000 (ukiumut)
5. Kommunitut ataatsimut akileraarut	6%

Saqqummiussissut

(Aningaasaqarnermut Nunamullu Namminermet Naalackersuisoq)

Siullermeerinnineq

Inatsisartut Aningaasarsianit akileraarutit pillugit Inatsisartut inatsisaat naapertorlugu 2022-imi akileraarutitigut ilanngaattissat il.il. angissusissaat 2021-imi ukiup affaami siullermi aalajangersartussaavaat.

Ilangaatit il.il. pineqartut taassapput:

1. Inummut ilanngaat - § 67, imm. 1.
2. Ilangaat aalajangersimasoq - § 21, imm. 2.
3. Aningaasarsiat B-t akileraaruteqaataasussaannngitsut - § 20, imm. 2.
4. Sulisartunut killilimmik akileraartussaataasunut ilanngaat - § 2, imm. 6.
5. Kommunitut ataatsimut akileraarut - § 63, imm. 2.

Ilangaatit il.il. ataasiakkaat erseqqinnerusumik eqqartorneqarnerat, atuuffii kiisalu ukiuni siusinnerusuni annertussusilerneqarsimaneri eqqarsaatigalugit ilanngussaq 1 innersuussutigineqarpoq, soorluttaaq 2022-mi aningaasarsiat tunngavissaattut naatsorsuutigisat ilanngussaq 2-mi nassuiaatigineqartut.

Naalackersuisut akileraartarnermut suliassaqarfimmi inuuniarnikkut atugarissaarnerulernissamut ilapittuutaasumik aaqqissusseqqinnissaq sulissutigissavaat. Tamanna Naalackersuisut politikikkut aalajangermi ataqatigiissitsinissamut anguniagaannut atatillugu ingerlanneqartariaqarpoq, taamaattumillu aaqqissusseqqinneq taamaattoq kisimi ingerlanneqarsinnaanani. Taamaalilluni tamanna piviusunnngortinneqassappat ilaatigut isumaginninnermut suliassaqarfimmi ineqarnermut suliassaqarfimmi allanilu suliniutinut aggersunut ataqatigiissaarneqartariaqassaaq. Suliassami annertuumi tassani politikikkut oqallinnissamut piffissaq pisariaqartoq atorneqassaaq, soorluttaaq atugaritanik aamma naligiinnerulernissamik anguniakkat piviusunnngortinniarlugit aaqqissusseqqinnermi suliamut isumalluutit pisariaqartut immikkoortinneqarnissaat qulakkeerneqassasut.

Taamaammatt akileraartarnermut immikkoortumik aaqqissusseqqinnermut politikikkut oqallinnerit suliniutillu ilaatinneqartussat sioqqutsisumik tikikkumanagit, 2022-mullu

akileraarutitigut ilanngaait il.il. ukiup affaani siullermi ataatsimiinnermi akuersissutigineqartussaanut eqqarsaatigalugu, 2022-mi akileraarutitigut ilanngaait il.il. 2021-mut sanilliullugit allannguuteqassanngitsut Naalakkersuisut siunnersuutigaat.

Inatsisartut aalajangiiffisassaattut siunnersuutaat kommunitut tusarniutigineqarami, tusarniaanermut piffissaliunneqartup iluani akissutinik tigusaqartoqarsimanngilaq.

Taamaattorli tusarniaanermi piffissarititaasup kingorna Kommuneqarfik Sermersuup nalunaarutigivaa kommunit tungaannit allanngortitsinissaq kissaatigineqanngitsaq.

Taamatut oqaaseqarlunga 2022-mi akileraarutitigut ilanngaait il.il. siunnersuutigineqartutut annertussusilerneqarnissaat Naalakkersuisut sinnerlugit inassutigissavara.